



PREZIDÊNCIA
**KONSELLU
MINISTRUS**
VIII GOVERNUN KONSITUSIONÁL



Gabinete
Porta-Voz

KOMUNIKADU IMPRENSA

Sorumutuk Konsellu Ministrus nian iha loron 26 fulan-agostu tinan 2020

Konsellu Ministrus hala'o sorumutuk iha Palásiu Governu, iha Dili, no aprova ona projetu Dekretu-Lei kona-ba Orgánika Ministériu Planu no Ordenamentu Territóriu nian, ne'ebé Vise-Primeiru-Ministru no Ministru Planu no Ordenamentu, José maria dos Reis, maka apresenta. Ministériu Planu no Ordenamentu maka departamentu governamentál ne'ebé responsavel ba konsesaun, koordenasun no avaliasaun polítika, ne'ebé define no aprova ona husi Konsellu Ministrus, ba área sira promosaun dezvoltamentu ekonómiku no sosiál país nian, liuhusi planeamentu estratéjiku no integradu no rasionalizasaun rekursus finanseirus ne'ebé disponivel, hodi asume responsabilidade espesífika kona-ba implementasaun Planu Estratéjiku Dezenvolvimentu nian, liuliu ne'ebé iha relasaun ho infraestrutura no Planea mentu Urbanu, Petróleu no Minerais, Planeamentu no Ordenamentu Territóriu.

Hetan ona mós aprovasaun maka projetu Dekretu-Lei, ne'ebé Ministra Negósius Estranjeirus no Kooperasaun, Adaljiza Albertina Xavier Reis Magno, apresenta, ne'ebé ninia objetu maka alterasaun dahuluk ba Dekretu Lei n. 20/2019, loron 31 fulan-jullu, kona-ba Orgánika Ministériu Negósius Estranjeirus nian. Alterasaun ida-ne'e ninia objetivu mak atu halo ajustamentu hirak ne'ebé presiza, tuir alterasaun ba Lei Orgánika Governu Konstitusionál VIII nian, liu-liu ho estinsaun ba servisu balun, nune'e mós, atu halo ajustamentu estrutural ba servisu internu sira Ministériu ne'e nian atu kompre kritériu sira kona-ba governasaun di'ak, transparénsia no jestaun institusionál, liu-liu ho introdusaun podér koordenasun nian husi Sekretaria-Jerál no ho kriasaun diresaun nasional foun sira, ho kompeténsia funksional rasik sira atubele evita konfliktu interesse hirak ne'ebé bele mosu.



Palácio do Governo,
Avenida Presidente Nicolau Lobato,
Dili, Timor-Leste



PREZIDÊNCIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Konsellu Ministrus aprova ona projetu Proposta lei kona-ba Orsamentu Jerál Estadu nian (OJE) ba tinan 2020, ne'ebé Vise-Ministra Finanzas, Sara Lobo Brites, maka apresenta, ho montante totál dolar amerikanu millaun rihun 1,497 atu kobre nesesidade sira ba programa no prioridade nasional sira ne'ebé Governu Konstitusionál VIII define ona, liu-liu iha nivel estabilizasaun setór sosial no setór ekonómiku, no prosesu reforma institusionál hirak ne'ebé hala'o daudaun. Dokumentu ne'e sei inklui despeza sira kona-ba resposta ba COVID-19 no medida sira kona-ba rekuperasaun ekonómika. Membru Governu sira halo debate kona-ba ajustamentu hirak ne'ebé presiza ba kalendáriu preparasaun OJE ba tinan 2020 no 2021, atu nune'e bele entrega ba Parlamentu Nasionál iha loron 15 fulan-setembru no loron 15 fulan-outubru.

Governu delibera ona atu propoin ba Sua Exelénsia, Señor Presidente Repúblika, Francisco Guterres Lú Olo, atu aumenta tan estadu emerjénsia ba loron tolunulu. Haree ba evolusaun husi situasaun epidemiolójika no proliferasaun kazu kontájju COVID-19 nian ne'ebé rejista ona, ne'ebé hamosu preokupasaun maka'as, tantu iha nivel rejional no mós mundiál, no ho hanoin atu evita no neutraliza risku hada'et nian husi SARS-CoV-2, nune'e bele proteje saúde públika no kapasidade resposta husi Sistema Nasionál Saúde nian, Governu propoin ba Señor Presidente Repúblika atu, ho estensaun ba estadu emerjénsia nian, bele permite suspensaun ka restrisaaun ba direitu atu halo sirkulasaun internasionál, direitu atu halo sirkulasaun no direitu ba fiksasaun rezidénsia no mós direitu rezisténsia nian.

Konsellu Ministrus aprova ona introdusaun ba alterasaun balun ba Dekretu-Lei, ne'ebé hetan ona aprovasaun maibé sei hein promulgasaun husi Señor Presidente Repúblika, kona-ba Regulamentu Dixiplinár Polísia Nasionál Timor-Leste (PNTL) nian, no aprova ona versaun foun husi Dekretu-Lei ne'e, tuir solisitasaun husi Presidente Repúblika. Projetu Dekretu-Lei ida ne'e halo revizaun ba Regulamentu Dixiplinár PNTL nian atuál, ne'ebé



Palácio do Governo,
Avenida Presidente Nicolau Lobato,
Dili, Timor-Leste



PREZIDÊNCIA
KONSELLU
MINISTRUS
VIII GOVERNUN KONSITUSIONÁL



Gabinete
Porta-Voz

hetan aprovasaun iha tinan 2004 ne'ebé oras ne'e la atualizadu ona tuir instituisaun ne'e ninia nesesidade sira no, buat hirak ne'ebé sai hanesan objetivu husi dezvoltamentu no profisionalizaun PNTL nian. regulamentu foun ne'e sei fó ba PNTL konjuntu estruturadu husi regra hirak ne'ebé sei garante dixerplina institusionál no profisionál, atu atinje objetivu legál loloos husi polísia ida-ne'ebé moderna, ne'ebé harii atu defende sidadaun sira no atu tau iha dixerplina relasaun fundamentál sira husi moris iha sosiedade.

Vise-Primeiru-Ministru no Ministru Planu no Ordenamentu,, José Maria dos Reis, apresenta ba Konsellu Ministrus, kona-ba opsaun polítiku-lejizlativa sira husi projetu ba estatutu foun Ajénsia Dezenvolvimentu Nasionál (ADN) nian. Preparasaun estatutu foun ADN nian ne'e buka atu klarifika misaun, atribuisaun no estrutura sira husi servisu sira instituisaun ne'e nian, nune'e mós ninia ligasaun ho instituisaun Estadu nian sira seluk. **REMATA**



Palácio do Governo,
Avenida Presidente Nicolau Lobato,
Dili, Timor-Leste